

御
虛
階



乾隆二十一年敬鐫

姚江周衢聘三甫重訂
上谷李紫琳玉堂甫

太微仙君純陽

祖師功過格

莪川姜旦魯齋
淮山王龍池涵衆
全校

天錫堂藏板

序

天下未有生而聖賢生而愚不肖者心存而理得則為聖為賢心亡而欲熾則為愚為不肖理與欲並域而居消長之幾捷於轉圜不可不察也夫人一日之

序

御原序

一

天錫堂

間耳之所聽目之所視身之所接一切可歆可羨之事其足以動吾之心者不知凡幾苟非得古人之正言莊論反覆而熟玩之則無所勸戒無所遵循安能收既放之心而漸進於欲淨理

純之境哉然六經諸史類皆省
身寡過之書但其義深其旨遠
執未嘗學問之人而概語之如
奏雅樂於不知音者之前匪惟
不解且滋厭矣

太微仙君純陽祖師憫衆生之

序

御原序

二 天錫堂

沉迷陷溺而思有以救之爰闡
功過諸格凡大而綱常倫紀小
而酬酢往來微而作止語默顯
而禮樂政刑莫不條分縷晰燦
然臚列於其中其定功也由寡
以至多如懋官懋賞之必稱其

量也其定過也由鉅以及細如
老吏斷獄之必當其罪也且其
詞明白樸直雖稚子老嫗一見
了然誠苦海之津梁沉疴之良
劑也予昔見此冊於友人齋頭
攜歸什襲即欲鏤板行世公諸

序

御原序

三 天錫堂

同好因筮仕西陲風塵鞅掌未
遂所懷近來歷任江南公務
之暇取向之所珍藏而服膺者
重加校訂更以

太上諸經弁之篇首願世之閱
者因散生畏因畏生信具勇往

力發恒久心勿自暴而自棄勿
旋作而旋輟勿功成九仞而虧
於一簣勿時偶有阻而廢於半
途將見欲淨理純自然祥臻福
集貧者可富賤者可貴妖者可
壽病者可痊所作必成神仙可
序

御原序

四 天錫堂

冀謂非登雲之捷徑而凌霄之
梯級也乎故顏之曰御虛階云
時

雍正拾貳年歲次甲寅清和之
月閏中黃正元敬識於淮山袁

浦公署



御虛階功過格目錄

功過格受持法

太上感應篇凡例

附靈驗記

太上感應篇靈經

附靈驗記

文昌帝君陰騭文

附靈驗記

關聖帝君降筆真經

附靈驗記
聖誕考辨

勅封寶誥

玄天上帝降筆真經

附靈驗記

孚佑帝君純陽祖師垂訓

功過格引

御虛階

目錄

一

天錫堂

功過格凡例

太微仙君純陽祖師功過格

增訂居官功過格

行功過格格式

功過格靈驗記

袁了凡先生立命之學

俞淨意公遇竈神記

功過格受持法

凡行功過格者。須要誠敬清潔。每日晨起盥漱。肅整衣冠。洗心滌慮。焚香先拜。跪誦

玉皇大天尊。玄穹高上帝。

尋聲赴感。太乙救苦天尊。

九天應元雷聲普化天尊。

玉虛師相。玄天上帝。金闕化身。蕩魔天尊。

九天開化。七曲文昌。梓潼帝君。

勅封三界伏魔大帝。神威遠鎮天尊。關聖帝君。

御虛階

功過格受持法

天錫堂

玉清內相。金闕選仙。孚佑帝君。妙道天尊。

三元三品三官大帝。

大聖北斗七元真君。

誦畢。然後開卷。莊念感應篇一遍。陰騭文一遍。降筆真經。暨

玄天上帝垂訓。呂祖師垂訓各一遍。

如不能全念。止念感應

篇。陰騭文亦可。

改過遷善。照後所載之格。一。身體力行。永

久不懈。則福因德茂。自然元吉。

感應篇凡例

讀感應篇。當知立說之旨。止是教人爲善。若云誦誦祈福。便非本意。究竟善惡之報。如影隨形。仍不爽毫釐也。

讀感應篇。先要發信心。文昌化書云。欲廻劫數。先正人心。六祖云。一切福田。不離方寸。篇中所列善惡。雖大半從事跡上說。然返而求之。皆起于心。心也者。感之主而應之機也。若使疑信相參。便讀如未讀。

讀感應篇。要勤修爲。勸人誦者。是要由誦。而至于身體力行也。今人日誦感應篇。究觀其行事。未嘗有一事與感應篇相合。若此御虛階。

感應篇凡例

二

天錫堂

則又何取其日誦耶。

讀感應篇。務期堅永。勿因未效而悔。勿因日久而疎。朱天麟曰。有心爲感。感不靈。有心所應。應不至。劉夢震曰。小善報近。大善報遠。報近者福小。報遠者福大。此直宜聽之自然。不得妄有希冀也。

感應篇。是無時不可讀之書。受持者。可以揚聲高誦。亦可以心中默念。反入身來。一有是事。即便改之。日日如此。年年如此。自然動念卽善矣。

感應篇。是無地不可讀之書。昔武林錢養庶。官至按察副使。初參

蓮池大師師以感應篇授之曰此吾儒安身立命之學也公自
此矢心奉行公車宦轍寸步不離每遇風波險難中必著靈應
感應篇是無人不可讀之書功過格有云以善書傳一人者當十
功傳十人者當百功傳大豪傑大貴人者當千功廣佈無疆重
刊不朽者萬萬功是以從前印施此篇者屢獲奇報惟大君子
廣爲傳勸焉

感應篇註近來頗多然集說太繁每覽不終卷後列徵事輒連篇
累牘易生厭倦茲刻務期簡要切實明白痛快使開卷豁然實
可遵行是則此編公善之微意也

御虛階

感應篇凡例

三

天錫堂

纂集此書無非欲人遷善改過讀此書者必須逐句檢閱合之于
身有相似者惕然猛省久而久之則善念日增惡念日減矣總
之立心行事常如天地鬼神之鑒臨苟習矣而不察雖讀何益
每見殘刻者身享富貴忠厚者身受貧賤似乎福善禍淫殊未顯
應不知殘刻而富貴乃其祖父之餘慶忠厚而貧賤乃其祖父
之餘殃故貧賤者慎毋急于求報懈其修爲富貴者亦當加意
培植綿其福履而已

太上感應篇靈經

太上曰。禍福無門。惟人自召。善惡之報。如影隨形。是以天地有司。過之神。依人所犯輕重。以奪人算。算減則貧耗。多逢憂患。人皆惡之。刑禍隨之。吉慶避之。惡星災之。算盡則死。又有三台北斗神君。在人頭上。錄人罪惡。奪其紀算。又有三尸神。在人身中。每到庚申日。輒上詣天曹。言人罪過。月晦之日。竈神亦然。凡人有一過。大則奪紀。小則奪算。其過大小。有數百事。欲求長生者。先須避之。是道則進。非道則退。不履邪徑。不欺暗室。積德累功。慈心於物。忠孝友悌。正己化人。孤恤寡。敬老懷幼。昆蟲草木。猶不可傷。宜憫人之凶。御虛階。

太上感應篇

四

天鏡堂

衛玄

誑
樞
訐
戒

樂人之善濟人之急救人之危見人之得己之得見人之失如己之失不彰人短不銜己長遏惡揚善推多取少受辱不怨受寵若驚施恩不求報與人不追悔所謂善人入善域之天道祐之福祿隨之衆邪遠之神靈衛之所作必成神仙可冀此求天仙者當立一千三百善欲求地仙者當立三百善此毀非善而勸背禮而行以惡爲能忍作殘害陰賊良善暗侮君親此慢其先生叛其所事誑諸無識謗諸同學誣誣善僞攻訐宗親鬪讎強不仁狼戾自用是非不當向背乖宜虛下取功誣上希旨受恩不感恩怨不休輕蔑天民擾亂國政賞及非義刑及無辜殺人取財傾人取位誅降戮

戲錄

黃

藝文

服貶正排賢。凌孤逼寡。棄法受賂。以直爲曲。以曲爲直。入輕爲重。見殺加怒。知過不收。知善不爲。自罪引他。壅塞方術。訕謗聖賢。侵凌道德。射飛逐走。發驚驚棲。填穴覆巢。傷胎破卵。願人有失。毀人成功。危人自安。滅人自益。以惡易好。以私廢公。竊人之能。蔽人之善。形人之醜。訐人之私。耗人貨財。離人骨肉。侵人所愛。助人爲非。逞志作威。辱人求勝。敗人苗稼。破人婚姻。苟富而驕。苟免無恥。認恩推過。嫁禍賣惡。沽買虛譽。包貯險心。挫人所長。護己所短。乘威迫脅。縱暴殺傷。無故剪裁。非禮烹宰。散棄五穀。勞擾衆生。破人家。取其財寶。決水放火。以害民居。紊亂規模。以敗人功。損人器物。

太上感應篇靈經

五

天錫堂

齊德

志忠

德同

御虛階。以窮人用。見他榮貴。願他流貶。見他富有。願他破散。見他色美。起心私之。負他貨財。願他身死。千求不遂。便生咒恨。見他失便。便說他過。見他體相不具而笑之。見他才能可稱而抑之。埋盡厭人。用藥殺樹。恚怒師傅。抵觸父兄。強取強求。好侵好奪。虜掠至富。巧詐求遷。賞罰不平。逸樂過節。苛虐其下。恐嚇於他。怨天尤人。呵風罵雨。鬬合爭訟。妄逐朋黨。用妻妾語。違父母訓。得新忘故。口是心非。貪冒於財。欺罔其上。造作惡語。讒毀平人。毀人稱直。罵神稱正。棄順效逆。背親向疎。指天地以證鄙懷。引神明而鑒猥事。施與後悔。假借不還。分外營求。力上施設。淫慾過度。心毒貌慈。穢食餒人。左

善書

道惑衆短尺狹度輕秤小升以偽雜真採取姦利厚良爲賤設焉卷位

愚人不和其室不敬其夫每好矜誇常行妬忌無行於妻子失禮於舅姑輕慢先靈違逆上命作爲無益懷挾外心自咒咒他偏憎偏愛越井越竈跳食跳人損子隋胎行多隱僻晦臘歌舞朔旦號怒對北涕唾及溺對竈吟咏及哭又以竈火燒香穢柴作食夜起裸露八節行刑唾流星指虹霓輒指三光久視日月春月燎獵對北惡罵無故殺龜打蛇如是等罪司命隨其輕重奪其紀算算盡則死死有餘責乃殃及子孫又諸橫取人財者乃計其妻子家口以御虛階

太上感應篇靈經

六

天錫堂

當之漸至死喪若不死喪則有水火盜賊遺亡器物疾病口舌諸事以當妄取之直又枉殺人者是易刀兵而相殺也取非義之財者譬如漏脯救飢鴆酒止渴非不暫飽死亦及之天心起於善善雖未爲而吉神已隨之或心起於惡惡雖未爲而凶神已隨之其有曾行惡事後自改悔諸惡莫作衆善奉行久久必獲吉慶所謂轉禍爲福也故吉人語善視善行善一日有三善三年天必降之福凶人語惡視惡行惡一日有三惡三年天必降之禍胡不勉而行之

附靈驗記

杭州汪靜虛志欲刻板廣施以薄宦未果其子汪源謹遵先志自
已捐產刻成多方勸募善士各出資財印至萬部施散於人汪源
夢父謂曰汝不但善成我志且勸善共施我已超生天堂汝母亦
享高壽衆人與汝俱已名著善籍矣

簡州進士王與久染重病開禧丁卯年仲冬死至陰司見一衙門
甚是莊麗金字大書其上曰東嶽府殿左有大碑高至丈餘其上
大書金字乃太上感應篇也王與就讀一遍歡喜恭敬卽聞神人
謂曰王與一見太上感應篇便生如是欽慕若能從此奉行兼持
御虛階

附靈驗記

七 天錫堂

戒殺自然病退身安不必在此王與遂得復生重病頓愈

台州仙居縣城西王竺有次男王淨年四歲嘉定乙亥六月十二
日午時生戊寅二月二十三日竺帶男王淨同出嬉遊被邪祟侵
害回家不能語言至十六日戌時身死竺哀痛情切發心命工重
刻太上感應篇印施欲求亡男王淨魂魄再投母胎妻黃四九娘
於己卯春有姪三月二十八日夜夢到黃巖縣定光觀黃錄普度
太齋會薦男王淨其時恍惚恰似與亡男共轎回家及至夢覺胎
腹微動至十月十八日申時復生一男捨在東嶽行宮取名師回
遂寧府周篋日日看誦此篇又好爲人講說一日暴死經日還魂

謂妻曰。我被人追至陰司。見堦下皆立窮人。半是同鄉。餓死者。心甚恐。少頃至殿下。看殿上坐者。如人間所畫星官像。呼箴諭曰。汝本在饑饉籍中。以汝欽奉感應篇。又爲人講說。今以劫數一概追至。已改註爾福壽祿籍。放還之後。堅固善心。旣出。復遇一吏戒曰。汝還陽間。更宜將感應篇廣行流布。若一方受持。則一方免難。天下受持。則天下豐治。傳授之士。不但脫水火刀兵盜賊疾病之苦。且可廣求男女。添註祿壽。箴旣得還。述以勸世如此。

楊守業。河間人。每日持誦是經。六十無子。深以爲憂。一日病死。忽生。謂家人曰。適到陰司。見一官持簿點名。言我今生無子。只因恒御虛階。

附驗靈經

八

天錫堂

誦感應篇。當增祿壽。賜汝一子。明年果生一子。養老送終。

黃巖縣進士楊琛。未中之時。見鄉人刻感應篇。私念自己無力。隨緣助刻第十七號一板。夜夢神曰。已如君所刻中矣。後果中第十七名進士。

文昌帝君陰騭文

帝君曰。吾一十七世爲士大夫身。未嘗虐民酷吏。救人之難。濟人之急。憫人之孤。容人之過。廣行陰騭。上格蒼穹。人能如我存心。天必錫汝以福。於是訓於人曰。昔于公治獄。大興駟馬之門。竇氏濟人。高折五枝之桂。救蟻中狀元之選。埋蛇享宰相之榮。欲廣福田。須憑心地。行時時之方便。作種種之陰功。利物利人。修善修福。正直代天行化。慈祥爲國救民。忠主孝親。敬兄信友。或奉真朝斗。或拜佛念經。報答四恩。廣行三教。濟急如濟涸轍之魚。救危如救密羅之雀。矜孤恤寡。敬老憐貧。措衣食。周道路之飢寒。施棺槨。免屍骸之暴露。家富提携親戚。歲飢賑濟鄰朋。斗秤須要公平。不可輕出重入。奴僕待之寬恕。豈宜備責苛求。印造經文。創修寺院。捨藥材以拯疾苦。施茶水以解渴煩。或買物而放生。或持齋而戒殺。舉步常看蟲蟻。禁火莫燒山林。點夜燈以照人行。造河船以濟人渡。勿登山而網禽鳥。勿臨水而毒魚蝦。勿宰耕牛。勿棄字紙。勿謀人之財產。勿妬人之技能。勿淫人之女妻。勿唆人之爭訟。勿壞人之名利。勿破人之婚姻。勿因私讐。使人兄弟不和。勿因小利。使人父子不睦。勿倚權勢而辱善良。勿恃富豪而欺窮困。善人則親近之。助德。行於身心。惡人則遠避之。杜災殃於眉睫。常須隱惡揚善。不

御虛階

文昌帝君陰騭文

九

天錫堂

可口是心非剪碍道之荆棘除當途之瓦石修數百年崎嶇之路
造千萬人來往之橋垂訓以格人非捐貲以成人美作事須循天
理出言要順人心見先哲於羹牆慎獨知於衾影諸惡莫作衆
善奉行永無惡曜加臨常有吉神擁護近報則在自己遠報則在
兒孫百福駢臻千祥雲集豈不從陰陽中得來者哉

人能書此經一帙日夕瞻視恪遵修持行之二年萬罪消滅行
之四年百福皆集行之七年子孫賢明榮登科第行之十年壽
命延長行之十五年萬事如意行之二十年子孫爲卿相行之
三十年名注仙籍行之五十年

御虛階

文昌帝君陰騭文

十

天錫堂

天神恭敬名列仙班

附靈驗記

宋眉山蘇公仲力行陰陽文蜀地大荒捐膏腴產三千畝濟活饑民無算乃生子洵一日洵遊玉局觀得張仙像每旦虔禱四年生子軾又二年生子轍仙卽帝君也帝君本應張宿故化生多姓張云

明王文恪公鏊申文定公時行虔奉帝訓身體力行文恪中會元帝君現於闔中文定公中狀元靈夢生於几上二公文章相業卓越千古子孫科甲綿延不絕

太原忻州城外有雲中山頂上有碧霄殿爲文昌行宮諸生王

御虛階

附靈驗記

土 天錫堂

用予等十餘人爲文昌社每設醮上表以祈功名社中有俞麟者以孝謹稱又有郁從周者能文善談社中推服二生正統辛酉元旦輪王用予司會設醮先期赴文昌宮宿壇夜方就枕忽有人促之曰起起帝君升殿矣用予不覺身出殿外見列炬燭天

帝君端坐天下城隍環送鄉試榜冊子一神朝衣絳服抱大冊送

帝君僉押用予潛問抱冊神曰本省榜中有王用予名否神曰無

又問有俞麟郁從周否亦曰無少頃諸神退候門外絳服神捧冊

入殿跪陳几前帝君一一披閱每名下書一押亦有躊躇不下

筆者良久絳服神發冊大聲宣諭云仍付各省城隍速查陰德之

家仁厚之子。報名以換榜中未押者。用予隱身柱下。忽聞殿內傳呼。王用予入見。用予匍匐階下。召進几前。伏地不敢仰視。帝君曰。累年覽爾等表章虔潔。但功名事天曹秘錄。未可輕泄。因汝至誠。故召汝析之。汝家祖父皆朴謹無過。自食其力。從不負人。已註爾爲前榜鄉科。以彰傳家忠孝之報。因汝生平遇神佛稽首。止默祈自己功名。并妻楊氏病痊。汝有嫡母在堂。並不祈祐一語。以此獲罪。降爾兩科。爾名在下榜五十三名。汝宜改行。毋更觸天心也。用予叩頭謝罪。帝君又曰。爾社中周吉。今科本省解元也。時用予社中。惟吉最恂懦。而文字復不勝諸人。聞之不勝愕然。因頓首。

御虛階

附靈驗記

主

天錫堂

請問中元之故。帝君曰。周吉祖父俱爲士。從無一字入公門。從不好淫一婦女。相沿三代。並不形人一短。暴人一惡。且其祖曾作百忍說以訓人。感化者多。父子祖孫六十餘年。最上陰德。人皆不知。惟上帝克嘉。註昌三代。今吉發元。特福澤之肇端耳。用予又叩首云。同社俞麟郁從周。未審可發科第否。帝君顧掌卷童子。命查太原士子冊。檢閱之色。若不懌。云俞麟應得一科。因事親腹誅。且谿刻論人。不近情理。而妄以君子自命。故黜其科。使其窮年潦倒諸生中。用予請問何謂腹誅。帝君云。彼於父母言語舉動。麟心大不以爲然。但勉強浮沉順之。真性日離。僞心相與。是視親

如路人矣。假行竊名。最擻神怒。故以是罰之。至於郁從周。則生界異才。二十六歲。應成進士。三十餘歲。應遷侍郎中丞。四十五歲。應進大司空。兼領司農。司寇諸印。五十四歲。以少保致仕。至六十九歲。善終。緣其十七歲。爲諸生。後恃才傲物。諧謔譏談。語多癡巧。冥司錄其輕薄口過。已滿二千四百七十餘條。上帝震怒。命注於陰惡籍中。悉除所有。倘老大而猶不知悔過。溢三千條。將奪其壽算矣。將錄其子孫入丐籍矣。傷天地之和。犯神明之怒。莫此爲甚。故其罪與殺生邪淫等。爾輩慎之。用予惶懼良久。帝君又諭云。淫殺口過。絲粟有報。至涉功名一途。尤爲大忌。但殺業淫業。少知御虛階

附靈驗記

吉

天錫堂

自愛者。猶知禁戒。至於口頭訕謗。隨口譏彈。少年習氣。才子機鋒。以爲得意。而心胸輕薄。珠喪元氣。向來福澤胎元。頓易爲貧窮軀殼。可不惜哉。可不懼哉。汝當廣勸世儒。鑒茲爲戒。毋煩我籤榜時。大費躊躇也。用予再拜而退。不覺曉鐘驚寤。雞三唱矣。急起櫛沐。赴聖像前。叩頭拜謝畢。援筆記之。俟所驗。及秋榜開時。周吉果冠一省。里人因刻化書。播告同志。

顧侍御諱夢鯉。號禹門。崑山人。爲諸生時。虔事文昌。力行寶訓。

夢帝君曰。子名在一六。題乃儀封人。請見。覺而不解其意。萬歷

甲戌科。闈中卷。與孫月峯並擬元。填榜時。始置第六。謁選。得河南

儀封縣循績報最。擢御史。曾孫名丁璫。字湘佩。康熙丙午。應試秋闈。夢謁帝君。帝君袖出一方紫玉曰。與汝丁璫受而懷之。又出一玉如前。又受而懷之。榜發。果領薦。丙辰成進士。今以陰騭文。每句作一頌。有刻本行世。

錢塘陳正文。住杭州官巷口。因在京候考。知帝君報應諸善事。遂於神前立願。力行陰騭文。是夜夢見神語云。汝既立心行善。今將汝屋宇。俱改換矣。及視之。屋宇如銀錫裝成。不兩月接家信云。官巷口千餘家。俱遭回祿。惟陳屋數間不燬。

兵部主事馮標。於康熙二年五月十四日。傷寒病危。諸醫束手。伊御虛階。附靈驗記。齒天錫堂。姪弘道。泣禱於帝君前。願施陰騭文萬張。是夜夢帝君至。環繞三匝。撫其背而言曰。汝病卽愈。汝前程尚遠。卽諭青衣使卒數起。令回。勿爲病祟。醒求病日輕。半月全愈。

吳郡彭太史諱定求。字凝祉。舉家敬事帝君。康熙壬子。領鄉薦。甲寅中秋日。帝君降乩于其家。有訓文三篇。心懺一部。命刊做世。諄諄懇切。公卽虔刻印施。夙夜敬禮。至丙辰。會狀聯元益稟。帝訓不爽。

四川成都府周士廉善士也。向刻感應篇。陰騭文。施送遠近。忽一日。送至某家。途遇青衣二人。拘至冥府。見門上有東嶽宮三字。殿

中巍坐三聖。檢閱冊籍。廉詢執事云。中坐者東嶽。左爲雲麾使。右爲糾察司。俄報梓潼帝君入府。三聖相延上坐。交接之餘。詢帝君何事降臨。帝君曰。上帝憫下方衆生。好惡不已。爰降王旨。煩聖帝轉行各府城隍。檢造冊籍。大者刀兵。小者瘟疫。曾有之乎。聖帝曰。然。冊籍具在。可考而知也。帝君曰。我體上帝好生之心。欲擇善士。佈告天下。開以自新之路。聖帝曰。善人難寄。托更難。帝君曰。天下爲善者不少。卽城都而論。周士廉非耶。糾察司云。士廉壽數已終。業拘到案。帝君請加壽一紀。使廉宣揚此意。以免天下死亡之苦。于是呼士廉入殿。諭以前言。士廉恐無御虛階

附靈驗記

圭

天錫堂

人信從。請明驗以質天下。帝君曰。有不信者。以本年十二月刀兵爲驗。時康熙十二年正月十二日也。二青衣送士廉出府。至一高山云。下卽汝家。士廉一躍而甦。卽以此事刊告秦晉間。彼都人士皆驚信而從之。

康熙十二年癸丑夏日。當湖倪象鴻。曹景張培。曹澤金。協廣。曹志周。曹漢。重梓。文昌帝君報應錄甫成。適有張子英者。一子三歲出痘。十三朝尚無漿。諸醫無策。乃延羌希文請仙。仙示以一方服之。痘果起。然因膚薄。大半皆破。又請仙。仙又示以末藥外敷。且云。此子今番無恙。但須有延年之術。近有倪子等所刻。文昌帝君

報應錄印施三百本普勸廣行陰陽則壽可永矣

御虛階

附靈驗記

六

天錫堂

關聖帝君降筆真經

我是漢關聖君。勅諭大衆聽聞。世上不齊等事。全憑一點真心。正直光明不屈。死生順逆當分。吾嘗下遊漢季。結盟皇叔三人。桃園名重千古。單刀秉燭於今。寄曹明來明去。吞吳爲漢亡身。上帝憐我忠耿。獨勅宣化幽明。今我日遊天下。鑒別忠佞紛紛。一切貪殘奸巧。還償果報斤斤。最戒讀書文士。併及宦宦軍民。第二休欺父母。切莫圖套鄉鄰。貧富先交朋友。乃是五倫。信心內外平等。何妨蹇難災。連曹操無底深險。現今受罪冥陰。孔明只緣忠智。幽冥亦奉爲神。直心直受真福。巧計巧來禍因。有過昭如日月。無私天地。

御虛階

關聖帝君降筆真經

七

天錫堂

同群。果然兒女不誑。到處鬼怕神欽。設計偷覷女色。自己帷薄宣淫。弄手坑騙財物。輩輩嫖賭淪浸。比比爭能爭勝。往往越賤越貧。快快收心猛省。休休愈陷愈深。三生輪迴惡趣。千載唾罵難禁。筆尖添減情罪。舌劍反誅滿門。尤恨毒心狠婦。花言掇哄鄉親。咒夫罵公罵婆。令我一見生嗔。泥像揮刀剖腹。分斬母子平均。可喜平人孝弟。朝夕買辦柴薪。霎時風生泥馬。駝回萬里窮軍。欲求長生育子。急宜戒殺放生。不食牛犬等肉。可免牢獄囚刑。男女遵奉吾語。遇難我自降臨。戰場驅逐鬼魅。刀光雷血雨淋。護國百折不改。助爾加爵策勲。富貴永昌奕世。眉壽永無災侵。如有毀法妄想。斗

秤欺哄愚氓不許生身人世阿鼻地獄呻吟那時悔禍已晚急早
佩服法文回頭諸惡莫作勉力衆善奉行

御虛階

關聖帝君降筆真經

六

天錫堂

附靈驗記

羅鞏遊太學有帝君祠甚靈鞏以前程爲禱夢帝叱之曰子已獲罪於天可亟歸鞏曰某生平無大過惡願聞獲罪之由帝曰子無他過惟父母久不葬鞏曰某上有兄何獨受罪帝曰子爲儒者當明理義子兄碌碌不足責也鞏是年果死于非命

戒讀書文

士欺父母事

山東高唐州有婦常毆其姑一日失金釵姑被誣逃入帝廟婦入廟笞之帝像忽然起立提刀砍下婦倒地姑歸告其夫同往視之見婦腹剖開婦身與腹中兒俱分兩段血漬龍刀帝像猶

御虛階

附靈驗記

九 天錫堂

挺立座上焉

揮刀剖腹事

湖州三百潭上有帝君祠順治戊子間土賊嘯聚刦掠有土人陳文字生二子次啞不能言遂逐之一日文字被賊擒將殺啞兒伸頸求代賊感其孝均釋之文字與啞兒歸旋以驚悸病故長子匿父遺金啞子仍被逐哭於帝廟賊代不平語之曰汝今夜放火我來捉爾兒也是夜賊果至啞子欲舉火心慈不忍賊泊舟登岸見帝君坐於其門驚而竄啞子見帝跪泣帝曰汝舍身救父前何孝也今不忍燒兒後何義也吾命汝能言兄弟仍歸于好啞子遂能發聲叩兄門語故兄感泣次日集諸親鄰將父遺資

均分焉。喜人孝弟事

昔有少年事母極孝。家奉帝君甚靈。少年被害充軍。途中有帝廟。虔詣焚香。遂覓几而卧。恍惚間見帝出座。指之曰。汝事母至孝。今有難。吾當救汝。卽携之馬上。陰風護送。頃刻抵家。回看所乘之馬。倏然風引而去。乃知是廟中泥馬也。風生泥馬事

宋眞宗七年。解州刺史秦鹽池減水。虧損國課。眞宗遣官賞詔。至解州城隍廟禱焉。夜夢神告曰。鹽池之患。乃蚩尤也。昔蚩尤與軒轅帝殺至鹽池之側。至今尚有遺跡。今朝廷創立軒轅帝殿宇。蚩尤不忿。故竭鹽池爲患。覺而覆奏。眞宗夢亦如之。乃召張天師收御虛階。

附靈驗記

辛 天錫堂

伏。天師符請帝君。帝君立降現形。眞宗告云。蚩尤作耗。祈天尊蕩之。帝曰。必待七日。方得勦除。先詔解州人民三百里內。不得往來。閉門三日。恐觸神鬼。多致死亡。眞宗如帝言。降詔解州。忽一日。大風陰暗。白晝如昏。夜雷奔雨。走有金戈鐵馬。戰鬪之聲。空中叫喊。遠近皆聞。如此者五日。天時晴明。妖氣蕩滅。鹽池復舊。眞宗嘉帝之功。遣官往玉泉山祭。謝封義勇武安王。崇寧得道眞君。

大清勅封 帝君寶誥

太上神威。英文雄武。精忠大義。高節清廉。協運皇圖。德崇演正。掌

儒釋道教之權管天地人才之柄。上司三十六天。星辰雲漢。下轄七十二地。土壘幽鄴。秉注生功德。延壽丹書。執定死罪。過奪命黑籍。考察諸佛諸神。監制羣仙羣職。高證妙果。無量度人。至靈至聖。至上至尊。伏魔大帝。闕聖帝君。大悲大願。大聖大慈。真元顯應。昭明翊漢天尊。

聖誕考辨

予覽 聖蹟圖誌見

帝君降生。在漢桓帝延熹三年庚子六月二十四日也。今薄海內外。上自王公大人。下至里巷編氓。慶

御虛階

附靈驗記

三

天錫堂

聖壽者。皆於五月十三日盛行祀典。及再考 聖蹟圖誌。靈帝光

和元年戊午五月十三日。係

帝君生長嗣諱平將軍之年。是茲日之祀。非

帝君之誕辰也明矣。但相沿已久。不能更正。以駭聽聞。惟於六月

二十四日。

帝君嶽降正誕。理應重慶。以昭誠敬。佈告善信。諒有同心。

武當山玄帝垂訓

吾受玉帝敕命長生治世福神佛中卽無量壽道乃金闕化身統轄天神天將天上天下遊巡糾察人神功過一月一度奏呈所作有功必錄所作有過必懲賞罰定依天律分毫不順私情神若有功保奏各依玉格擢陞人若有功錄用卽與仙籍標名神過罰爲下鬼鬼過滅跡分形人過各有輕重水火瘟疫官刑若有十分重者虛空霹靂一聲不以奉吾私庇不以不奉生嘆吾欲世人普度今將誨語諄諄喫着國王水土終身不得忘恩有此髮膚身體須當孝養雙親和睦外親內族愛惜手足弟兄大者提携卑幼小者御虛階

武當山玄帝垂訓

三

天錫堂

侍奉年尊但遇三元五臘薦拔上世亡魂凡處鄉黨隣里往來禮樂恂恂不可自稱富貴富貴難保長存不可輕忽貧賤貧者未必長貧高門多生餓殍白屋每出公卿修仙修佛之士各依經教懃懃切莫反行邪道一時誤了前程識字爲儒爲吏切莫弄法舞文爲醫審症用藥爲術依經講明經商爲求利息須要本分平心莫用兩般秤尺休使大斗小升財餘足用守己色非己者休淫麗衣蔽身足矣淡飯一飽爲榮物物貪生畏死莫爲口腹殺生五穀須要愛惜牛犬食之招瘟柔弱衛身之本剛強惹禍之因天丁奉真者衆誰人積德功勲吾欲選用賢者萬中一二難尋幸遇聖明治

世四海之內太平作善延生享福後代光顯門庭作惡自身促壽
更兼折子磨孫若人敬信吾語多多抄寫勸人若能抄寫千本勝
看一藏真經吾遣天丁擁護自然百福來臻若人毀謗吾語城隍
社令申聞雷部火部瘟部聽吾號令施行

諸惡莫作 衆善奉行

大德五年三月二十四日武當山靈應觀庭降筆

聖誕三月初三日 飛昇九月初九日

下降

正月初七日午時 二月初八日平旦

御虛階

武當山玄帝垂訓

三

天錫堂

三月初九日平旦 四月初四日辰時

五月初五日午時 六月初七日未時

七月初七日平旦 八月十三日戌時

九月初九日亥時 十月二十一日申時

十一月初七日辰時 十二月二十七日戌時

附靈驗記

程嗣昌在密州見膠西鎮人好食生命不肯行善遂夜起拜告星斗曰昌欲將家藏戒殺圖說一本重刻印行警人改悔今日乃真君下降之辰願憑聖力俾獲流通書成適有彭景者請歸看誦其妻華氏大怒扯投穢處移時買魚欲鱸魚忽跳觸華眼流血化蟲遶咂方喧傳聞監鎮郭向見一神立其前自言吾是真武察知此地有一善人乃興化軍程嗣昌印施戒殺圖說者不意華氏扯投穢處罪重當死其他不悔者亦當獲罪俟吾再降施行

天府吏魁沈判司累世敬奉玄帝一夕夢帝謂曰家人拋棄五穀御虛階

附靈驗記

言

天錫堂

罪歸家長汝奈何聽奴婢狼戾全不覺察數日大厄至矣夢覺入厨下視之果然因令眷屬盡出泛湖約湖上相候乃淨淘溝中棄飯加椒菜爲炊以待眷屬久候不至怒歸餒甚爭取食之踰日方道其故由是其相警戒而沈亦得無恙

孚佑帝君純陽呂祖垂訓

吾嘗遍寰區而閱歷焉。見盈天下皆人也。盈天下而人甚少。人而人。乃所以爲人。人而不人。則亦名爲人而實非人。然人名爲人而非人者。以其人有人之入道。而人道之未盡。何以爲人。彼入道莫大於忠人而臣。臣而人也。盡乎忠。則臣道盡。而人道盡。入道莫大於孝人而子。子而人也。盡乎孝。則子道盡。而人道盡。由此而推。莫不皆然。而古今來大聖大賢。亦何莫非忠臣義士孝子悌弟之所爲乎。人果隨在而盡乎人道。以仁宅衷。以義處事。以積德爲本根。以方便爲措施。卽此可以希聖而希賢。卽此可以成真而作則。又御虛階

孚佑帝君純陽呂祖垂訓

壹

天錫堂

何必區區焉。別求一了道成仙之法。而妄希於不可知之數哉。是在人之三思而已矣。

功過格引

功過格甚精微。男女貧富俱可行之。受此格者。每日自記功過。一功記。○十功記。④百功記。⑤一過記。×十過記。米百過記。因將功補過。以所餘者算數。月終總記功數。至善願圓滿。回向勤修。不已。積功至百。⑥聖賢已成。神明欽敬。則無福不臻。有願必得矣。袁了凡云。予遇雲谷禪師。言命由我造。福自己求。因授功過格一冊。使懺罪行善。忍辱治心。且云。依此修者。成眞幾伯人。富貴幾千家矣。天堂地獄。照此秤量。毫厘不爽。予信受奉持。應若桴鼓。益心誠而願堅也。此格主張造化。轉禍爲福。若神觀者。宜共寶之。

御虛階

功過格引

美

天錫堂

一日中有功可記。積至半月。純心不倦。則於本等功外。另加記十功。貴純善也。如有一二日一二事。不合格。不得另記功。凡大悖惡逆。敗倫偷盜。及婦人淫橫。迫悍虐殺異生。妬忌絕嗣。俱罪重惡極。不在此例。

頌曰。不出門。救萬命。不費財。行萬功。不假法。度萬人。此靈聖真君。偈也。蠱蟻隨在扶持。教成子孫救濟。是謂不出門。救萬命。孝友方便。立地可做。忍性存心。功德無量。是謂不費財。行萬功。我自至愚至賤。人自極聖。極神贊揚善人。勸行善事。刊刻善書。興起善念。卽樵夫牧豎。亦自能之。是謂不假法。度萬人。

功過格凡例

一記過兼記功。卽昔賢投黑白豆之意。不記功。何以消除過端。故有過不得自諱。有功不必自謙。然要人記過。正是要人寡過。不然。日爲之而日記之。記之亦何益耶。

一每日所行之功與過。但記數目。不必錄其事。置一空格於榻前。臨卧時。逐事記之。月終總較一月功過。年終復總較一年功過。以告於文昌。關聖之前。庶乎起一念行一事有所敬畏。而過可以漸寡矣。

一以功折過。亦有不可折者。如致一人死。百過施百錢。一功豈殺御虛階。
功過格凡例
天錫堂

人者。作萬錢功德。便可無罪乎。此等事。須平心審之。

一雲谷禪師謂敬天孝親。非論功之地。不敬天不孝親。爲大罪惡。不可言過。二者皆不在格中。然恐習而不察。必有畧根本而務施濟者。故此格仍詳之。

一受賄及屈於勢力者。不得記功。受賄如得財出人罪。伸人冤之類。屈於勢力。如遇美色。勢不能就而不染。及貧士不用好衣好食之類。

一功過增加。有分載格中者。如救人一命。百功賑貧百錢。一功。若救一命。而復用已之財。則于百功外。更照百錢記一功。唆一人。

訟五十過。取不義之財。百錢一過。若唆訟。而又因以取財。則于五十過外。更照百錢記一過。他準此。

一功過自有是非。如有讐不報。固爲功。若忘父母之讐。則爲過。揚人之惡。固爲過。若欲逐奸除害。則爲功。知此而他可類推矣。

一功有真假。如免債一節。有年久利多。度不能還而免者。或已經告官。致無可追而免者。皆不得記功。他若取不義之物。而用以施捨。知有罪之人。而務爲救護。皆不得爲功。事端非一。難以縷指。

一雲谷禪師功過格云。百錢一功。謂千金以上者。若貧士。則五十

御虛階

功過格凡例

天

天錫堂

錢亦可作一功。極貧士。二十錢亦可作一功。百錢一過。謂貧士如此。若富者。五十錢亦作一過。大富者。一二十錢亦作一過。是說甚精詳。故在觸類引伸。不必拘拘于紙上求之也。

太微仙君純陽呂祖師功過格

倫常第一

父母

繼母祖父母每功加一倍庶母伯叔父母每功加二倍

對親和氣婉容

一日一功

晨昏定省致敬盡養

一日一功

修德勤學致親喜悅

一日一功

代受一勞苦

一功

一事責怒順受

一功

贊成一善

三功

解親一怒舒親一憂

三功

順親心不吝財物

三功

大事勸親改過

十功

守一義方訓

十功

爲親補一過還一逋欠

十功

親所愛敬人加意愛敬

十功

御虛階

太微仙君純陽呂祖師功過格

完

天錫堂

親病小心侍奉獲痊

三十功

見惡於親積誠感動

五十功

顯親揚名

五十功

喪祭誠敬

五十功

親於倫常有違勸之和樂

百功

化親行仁成德

百功

不久停親柩

百功

置祭田通族受惠

百金千功

淫蕩成病貽親憂

百過

剛狠招禍貽親憂

百過

厚妻子薄父母

百過

阻親善唆親惡

百過

喪葬草率

百過

久停親柩

百過

親病不小心醫治

五十過

揚父母一短

五十過

父母有過不諫

三十過

背一義方訓

二十過

責怒抵觸 二十過

親所愛敬人故薄之 十過

親老舉動生厭薄心 十過

罵人父母累及父母 十過

吝財物違親心 十過

爭兢財物 十過

生一怨言 十過

對親疾聲厲色 十過

令父母任勞 十過

親老遠出 十過

一事欺親 十過

推諉一日供膳 五過

貧不顧親 一日三過

失敬失養 一日一過

直言諫親致親不悅 一過

私飲食

兄弟 異母兄弟每功加一倍異父母兄弟每功加二倍

御虛階

太微仙君純陽呂祖師功過格

三

天錫堂

敬兄愛弟推遜任勞 一功

同事不生異心 一功

勸善止惡 十功

不聽婦僕讒言 十功

同室爭訟多方和解 十功

財物不論爾我 十功

獨任一大事 五十功

分產讓多取少 五十功

兄弟破產復與同居 百功

獎勵兄弟成德 百功

鬪訟 百過

欺凌幼弟庶弟 百過

遇難不救 百過

阻善贊惡 五十過

臨財爭競 十過

聽婦僕讒言啟釁 十過

求借一物不應 十過

貧思富富不恤貧 一日二過

不和睦 一日一過

衣服飲食不顧兄弟 一事一過

生異心不同力作家 一日一過

私佔產物 百錢一過

見過不勸 一過

對外人說兄弟長短 一過

妻妾

閨門謹肅 一日一功

勸改一大過 一事一功

善御婢妾不容犯正室 一功

禁止婦女出門遊戲燒香 十功

勸化孝公姑和妯娌 五十功

化導行仁成德 百功

富貴棄妻 百過

任婦人不孝公姑 百過

寵妾薄妻 百過

縱爲一惡 與自作同

御虛階

太微仙君純陽呂祖師功過格

三 天錫堂

縱虐一婢妾 三十過

有過婦人勸諫反加怒罵 十過

縱婦女出門遊戲燒香 十過

縱一惡聲穢罵 五過

閨門不謹 一日一過

縱繼室虐前妻子女 一日一過

不和睦 一日一過

遇當行事受制於內不行 一過

子姪

垂二義方訓 一功

一大事教導見從 一功

爲師誠心誨人 一日一功

禁止一惡習 十功

禁刻薄取利 三十功

不爲贅緣功名 三十功

教之敬祖睦族 三十功

化之行仁成德 百功

不以義方立教致成敗類

百過

誤一人子

五十過

爲不肖子孫資緣功名

五十過

棄一不才

三十過

縱一惡習

三十過

偏愛憎一人

十過

開一不善事端

十過

恣意打罵不從容教訓

二過

護一短

與自作同

爲師引誘頑徒

一日一過

教誨一事不盡心

一過

宗親

宗宗族也親親戚也

貧乏求借不吝

二百錢一功

敬尊長睦同輩

一日一功

貴賤平等

一日一功

周給貧乏

一百錢一功

御虛階

太微仙君純陽呂祖師功過格

星

天錫堂

結親擇賢不計勢利

二十功

代辦一嫁娶喪葬事

五十功

立義田宅養活一人

五十功

收養一老幼殘疾

百功

富貴娶已聘殘疾女

百功

本族絕支立嗣不利產

百功

本族絕支利產不立嗣

百過

嫌貧毀婚

百過

族有流落人可救不救

五十過

宗親有難可救不救

五十過

薄本族而認同宗

三十過

婚嫁惟計勢利

三十過

以財勢傲貧賤

三十過

貧病無依能顧不顧

二十過

貧乏求借不應

十過

抵觸一尊長

十過

乖一尊卑次序

一過

師友

敬師遵教訓 一日一功

尊前輩親賢友 一日一功

通有無 二百錢一功

淫朋招引遊戲不從 一功

弔慰誠敬 一功

踐一約 一功

朋友有過忠告善道 十功

不忘一父執 十功

不忘死友 三十功

不忘貧賤交 三十功

不負一友托妻寄子 五十功

救一急難 百功

遇急難可救不救 五十過

負一友托妻寄子 五十過

背一明師 五十過

負一死友負一貧賤交 五十過

御虛階

太微仙君純陽呂祖師功過格

重

天錫

輕棄一故舊 二十過

訕謗師長 十過

諂媚人不誠心規諫 十過

戲侮一老成 十過

隨淫朋遊戲 三過

厭一貧交 三過

謊一友父母妻子 三過

有無不相通 三過

爽一約 一過

失一弔慰 一過

婢僕

一日厚給衣食 一功

一事體恤勞苦 一功

赦一小罪 二功

遇病用心醫治獲痊 二十功

配一男女及時 二十功

禁一狼僕 二十功

善遣一婢擇配 三十功

白還人一男女 原值百錢一功

化一人忠信慈仁 百功

錮一婢僕不令嫁娶 百過

殘一婢僕肢體 百過

賣婢得重價致配非人 百過

縱一惡僕 三十過

一次酷刑 二十過

配不及時 二十過

虐使一事 五過

冤責一次 三過

衣食不周勞苦不恤 一日一過

仁愛第二

人類

御虛階

太微仙君純陽呂祖師功過格

雷

天錫堂

收養無依人 一日一功

濟一人饑濟十人渴 一功

濟凍人一衣 百錢一功

施一暗夜天燈 一功

借一人雨具 一功

施藥一服有效 一功

不沉滯人書信 一功

賑貧苦 百錢一功

周全窮途人士還鄉 百錢一功

贖男女還人 百錢一功

冬施姜湯 百錢一功

施棉衣 百錢一功

助人嫁娶喪葬 百錢一功

造橋修路疏河掘井 百錢一功

置義塚 百錢一功

凶荒施粥 百錢二功

疫癘施藥 百錢二功

爲人贖罪 百錢二功

留無歸人一宿

二功

盡心謀人一事

三功

療一輕疾得疾

三功

掩一棺埋一骨

十功

傳一人保益身命事

十功

一小事爲衆出力

十功

救一墮胎

二十功

救一輕刑

二十功

救一重病

三十功

施棺木一具

三十功

見侵凌孤寡竭力保護

三十功

除一人害

三十功

施地埋一人

三十功

伸一人小冤

三十功

救一人危難流離

五十功

救一溺嬰

五十功

救一賤爲良

五十功

救一人軍徒重罪

五十功

御虛階

太微仙君純陽呂祖師功過格

壹

天錫堂

葬一無主柩

五十功

救一人命

百功

延續一嗣

百功

合一應合婚姻

百功

收養無主棄孩

百功

伸一人大冤

百功

完全一家骨肉

百功

興一大利

百功

地方大事出力任勞

百功

致一人死

百過

設陷害害人

百過

謀成一人軍刑

百過

溺殺一嬰

百過

絕一人嗣

百過

致一良爲賤

百過

壞一人陰地

百過

發一人屍

百過

破一人婚姻 百過

醫家計利誤人命 百過

合一毒藥 百過

見一人死可救不救 五十過

贊助人溺一嬰 五十過

致人墮一胎 五十過

以私怨傾一人家 五十過

致一人流離 五十過

嫁禍一人 五十過

掘地遇骸骨拋棄不顧 五十過

平人一塚 五十過

作踐人禾稼 三十過

損壞一義井橋渡 三十過

謀成一人輕刑 三十過

技術不精盡惑害人 三十過

見欺凌孤寡可救不救 三十過

見人冤得白不白 三十過

醫家治病不用心 二十過

御虛階

前指御及此指平人

太微仙君純陽宮祖師功過格

美

天錫堂

一難求救可救不救 二十過

秘一經驗方 十過

侮弄一老幼殘疾人 十過

凌一弱 十過

幸災樂禍 十過

阻截一日通衢橋渡 十過

責一不應責人 三過

欺一無識 三過

沉滯一人書信 三過

爲人謀事不忠 三過

恐嚇人 三過

窮民哀告不應 二過

故犯一人忌諱 二過

物類

救一無力報人畜命 一功

救微細百命 一功

施禽畜食

一日一功

埋一自死禽獸

一功

救接畜力疲乏乏

一時一功

買放生命

百錢一功

爲已殺不食

二功

戒食牛犬一年

五功

救一有力報人畜命

十功

戒殺生一年

二十功

倡戒殺放生

百功

私烹牛犬

百過

倡殺阻人放生

百過

殺一有力報人畜

二十過

非法烹宰使物受極苦

二十過

填覆一巢穴

二十過

殺一無力報人畜

三過

發聲驚棲

三過

殺細微十命

一過

御虛階

太微仙君純陽呂祖師功過格

卷

天錫堂

不憐畜力疲頓

一過

籠繫禽鳥

一過

勸化第三

善類

此條言人之爲善一類我助之則爲功阻之則爲過也

勸人爲一切善

人所未爲者

較自爲者減半論

贊助人一切善

人所已爲者

較勸人者又減半論

勸人出財作福

三百錢一功

刻施一善書

百錢一功

編輯一濟世善書

十功

成人一美事

十功

感化一家好善

三十功

表揚一人陰德

三十功

興建義教誨一人

三十功

感化一人成德

五十功

倡一善事利濟一方

百功

善書傳大豪傑大貴人

千功

×

阻人施濟 百過

排損一有德人 五十過

毀人成功 五過

為私不贊成人善 五過

見賢能舉不舉 五過

止一人善 五過

菲薄人不屑教 五過

沒一人長 三過

惡類

此條言人之為惡一類我阻之則為功助之則為過也

勸人改一過 一功

勸止播人一惡 一功

掩人一惡 一功

解人一憂 三功

息人一鬪 三功

解釋一人怨恨 五功

息人一訟 五功

燒燬一卷邪書 十功

御虛階

太微仙君純陽呂祖師功過格

天

天錫堂

止人談閨閫 十功

勸人勿溺子女 三十功

阻人一非為 三十功

解免陰謀下石 三十功

化一非為者改行 五十功

勸人改一惡業 五十功

調停人骨肉 五十功

化轉一人至孝 百功

教人作一切惡 較自作加倍

贊助人一切惡 與自作同

見人非為不勸 較自作減半論

編撰傷化詞傳 百過

誘引一蕩子 百過

離間人骨肉 百過

翻刻一部邪書 五十過

唆一人訟 五十過

代寫一離書 五十過

引薦一匪人 三十過

×

○

傳人惡術邪法 三十過

贊助一人訟 二十過

親一惡人 十過

唆一人鬪 五過

增一人憂恐 五過

見人訟可勸不勸 三過

當衆斥人過失 二過

見人失誤不與明言 一過

見人憂不解勸 一過

敬慎第四

存心

心乃行善去惡之本。人能於此不欺便是慎獨工夫。又何患行事之不正乎。

不欺暗室 一日一功

惡念起卽掃除 一功

見人得失如已得失 十功

一切妄想不生 一日一功

御虛階

太微仙君純陽呂祖師功過格

完

天錫堂

一月心常敬畏有善無惡 百功

一日常存機心惡念 三十過

暗舉惡意害人 十過

聞人失利名生歡喜心 十過

聞人善不生信心 二過

輾轉一淫念 一時一過

生一怨親念 一時一過

蓄諸妄念 一時一過

誦經書雜念不除 一時一過

應事

一日守分循理臨事敬慎 一功

處事惟知爲人 二功

聞過卽改 三功

見善卽誠敬遵行 三功

遠公門 三功

不附人財勢 五功

處一事公直

五功

不苟且求名位

二十功

讓一善仕一過

二十功

爲善始終如一

二十功

報人一德

二十功

當大事能損己益人

五十功

善與人同不存形迹

百功

當大事損人益己

五十過

假行窃名惑遠近

百過

負人一大德

五十過

資緣得名

三十過

假公行私

十過

炎涼

十過

任功推過

十過

竭盡一人情誼

十過

見一善不行

三過

知過故犯

三過

御虛階

太微仙君毓陽昌胤師功過格

早

天錫堂

窺一人私書

一過

爲一善不終

一過

處衆惟知爲己

一過

臨一正事不敬

一過

出言

慎言

一日一功

心口如一

一日二功

不與人寫詞狀

一次一功

發一至德言

十功

出一方便語

十功

說果報勸人

十功

揚人一善

十功

白一人誣迹

十功

辨雪一人大冤

五十功

闡明一部濟世經書

百功

代寫刁狀致人傾家

百過

毀謗聖賢

五十過

造謗汙陷一人

五十過

人前不無善

誣壞一人清德

五十過

兩舌離間人

三十過

變亂一是非

十過

出一損德之言

十過

造一人渾名歌謠

五過

出一不利人語

三過

冷語刺人

三過

戲謔傷人

三過

御虛階

太微仙君純陽呂祖師功過格

聖

天錫堂

喜問人過失

一過

談一淫賭趣

一過

事神

事天地神明祖宗至誠

一功

穢中拾字紙焚化

一功

闡明聖賢經典刊刻行世

百功

毀經畔聖

百過

壞一聖賢經傳

二十過

以聖經戲謔

十過

摘發一人陰私

五十過

談一人閨閫

五十過

傳述一傷風敗俗事

十過

口是心非

十過

惡口犯一貧交

十過

揚一人惡

五過

背後詆毀人

三過

笑人體相不具

三過

揚人醜

三過

捏一誑言

一過

竟日多浮浪語

一過

拾遺字一千

一功

出財修葺聖像殿宇

百錢二功

侵佔寺院

五十過

褻瀆天神祖先

二十過

指神明証僣事

十過

祈保許殺性惡願 五過

祭祀失時 五過

汙穢經籍 五過

呵風雨褻三光 五過

携暈酒入聖殿 五過

對北惡罵唾溺 三過

汙一字紙 三過

汙穢井竈 一過

見遺字不顧 一過

手不淨翻經書 一過

夜起裸形 一過

卽忍第五

氣性

敬老懷幼謙和接物 一口一功

論事不執已見

御虛階

太微仙君純陽呂祖師功過格

聖

天錫堂

納一逆耳言 一功

平一怒 三功

忍一勞 三功

解一怨恨 三功

受一謗不辨 三功

容一人過 三功

忍受二橫逆 五功

遇失意事不怨天尤人 十功

遇一仇不報復 十功

大事難忍能忍 十功

火氣不生在在歡喜感化 百功

强悍難犯人皆畏忌 百過

慣習爭鬪 三十過

報一怨太過 十過

遇拂意事怨尤不止 五過

逞一小忿

怒一逆耳言

苛責人一事

五過

論事偏執已見

三過

傲一貧賤交

三過

好矜誇

一日一過

喜人奉承

一日一過

遷怒一人

一過

醉犯一人

一過

衣食

一日甘粗糲知足

一功

拾遺粒

一功

與人飲食不揀擇

一功

一月安淡泊惜福

十功

厭棄惡衣食

十過

縱酒及亂

五過

無故剪裁

五過

禁屠私買生物

五過

御虛階

太微仙君純陽呂祖師功過格

壘

天錫堂

服一非法服

五過

狼籍米粒

一過

一日享用過豐

一過

財貨

寇盜劫奪不在此類

一日買賣俱寬厚

一功

分財公平

一功

借貸如期還

一功

不吝器物借人濟急

一功

不負人寄託

百錢一功

不取非義財

百錢一功

還遺

百錢一功

代完官錢私欠

百錢一功

免貧戶租欠

百錢一功

荒年平糶

一百錢一功

佈施乞丐貧人

一百錢一功

讓利讓產

一百錢一功

假銀入手不使 一錢一功

放債出當不計利 二百錢一功

秤斗公平 十功

不逼取貧債 十功

赦債還遺全人身家 百功

造低銀假銀 百過

蕩費祖父產業 百過

重利逼取貧債 百過

交易田宅不清割 五十過

圖買一產 三十過

誘人賭博 一次十過

設弄詐騙 百錢一過

倚勢白佔 百錢十過

乘難覲取 百錢十過

荒年囤米待高價 一日一過

巧取 百錢五過

負人寄託 百錢五過

御虛階

太微仙君純陽呂祖師功過格

畷

天錫堂

負貸 五過

賤價強買貨物 百錢五過

匿遺 百錢三過

用低銀 百錢三過

斗秤出入不平 百錢一過

受不義財 百錢一過

侈用人財物 百錢一過

損人一器物 一過

暴殄天物 一過

不問徑取一針一草 一過

女色

一晝夜不起淫念 一功

不蓄淫書淫畫 一功

不履邪地 一次一功

不交淫友 一功

遇人談淫褻正言止之 三功

勸人節慾免疾 五功

見美色不流盼 五功

逐一淫人 五功

居家能節慾 十功

妓女可染不染 十功

完一婢女節 百功

曲全一婦人節 百功

毀一部淫書板 三百功

造一部戒淫書 三百功

拒一私奔婦女 三百功

一生不二色 千功

造淫書淫畫流傳 無量過

因邪淫害人性命 千過

因邪淫離人夫婦 千過

因邪淫墮胎 千過

淫一室女孀婦尼姑 三百過

謀佔人妻女 三百過

誘姦幼女 三百過

淫一良家婦 百過

御虛階

太微仙君純陽呂祖師功過格

聖

天錫堂

淫一婢女 百過

淫僕妻乳婦 百過

好色致病令父母憂 百過

淫一原失節婦 五十過

製淫方 五十過

代人致邪東 五十過

宿妓挾娼 一次十過

起心私一女子 十過

護淫童淫女 十過

畜戲妓俊僕 十過淫褻一次者加十過

點邪戲 十過

私窺婦女 五過

戲評女色 五過

遇美色流盼 五過

家居淫褻非時 五過

祖父忌日不戒 三過

蓄淫書淫畫 一日一過

作淫詩 一次一過

家居裸體 一過

口出淫詞 一次一過

行不避婦女 一過

罵婢夾淫語 一過

以卑犯尊。以長亂幼。罪大惡極。永入阿鼻。不在此例。

御虛階

太微仙君純陽昌祖師功過格

哭

天錫堂

增訂居官功過格

審事不徇囑托

一功

不偏護原告

一功

不喜奉承迎合之言

一功

不與越訴

一功

不以成心怒氣翻案

一功

供招不許吏胥高下其手

一功

親講鄉約勸懲有方

一次一功

考試不阻抑孤寒

一人一功

躬行節儉以挽奢風

一日一功

人犯一到卽審不令守候

一功

不以醵贖諛上官

一功

老幼弗打

一功

醉病弗打

一功

婦女不輕用拶子

一功

尊長告卑幼失寔弗打

一功

百姓告衙役失寔弗打

一功

御虛階

增訂居官功過格

聖

天錫堂

已稷已夾要枷弗打

一功

禁重杖打

一功

禁打腿灣

一功

禁一塊打

一功

賑濟得寔

一人一功

聽訟能伸冤理枉

一事一功

荒年煮粥賑濟

一人一功

重犯無家屬給與囚米

一人一功

嚴禁獄卒不許虐囚

一人二功

詞狀干連婦女卽行抹去

二功

耐煩受訴使各盡其情

二功

瘟疫盛行開局療治

一人二功

羣死人埋枯骨

五功

無力罪人當時的央

五功

納贖徒犯等罪俱准招保

五功

禁佐貳官不許濫監

五功

囹圄無久淹禁者

五功

獄中除穢燃香木免瘟疫

五功

免冤杖

五功

除大盜不輕動夾棍

五功

免冤一年徒

五功

盜已就獲不許捕役私拷

十功

禁捕役唆盜誣扳害良善

十功

聽斷明晰定罪平允

十功

禁戢勢宦豪強不許播惡

十功

懲治訟師扛証保人身家

十功

摘發奸蠹神棍不使詐騙

十功

教誨頑民使省訟息爭

十功

一時錯枉片念撥轉

十功

收養孤老一人十功

齋戒誠敬

十功

免冤二年徒

十功

冬天給囚草薦薑湯

十功

所到之處嚴禁兵役擾民

十功

免冤三年徒

十五功

免冤永戍一人

五十功

御虛階

增訂居官功過格

哭

天錫堂

免冤大辟一人

百功

獲盜卽審定案不許扳累

百功

清覈地畝錢糧使吏胥歇保不得欺隱包侵致累小民

百功

起解錢糧緩急有序不苦糧里不累資解員役

百功

開報生員優劣採訪的確使人知勸懲士風丕變

百功

遇熱審修省祈禱寔心任事母取具文

百功

修文廟及先賢祠宇有孝子節婦急與表揚

一事百功

身居鄉紳嚴戒子弟僕從勿失禮鄉黨不犯諸惡習

百功

禁宰耕牛寔心行之能禁一年

百功

能禁十年

千功

編審里役差遣均平使閭閻小民共享清寧之福

千功

遇大災荒早勘早申力請賑濟設法救活多命

千功

催征有善法勸諭樂輸不煩敲朴錢糧畢辦

千功

力行保甲實心稽查民不擾而盜自弭邪教奸宄永息

千功

陳正學以匡君德進賢退不肖使朝堂清肅兆民受福

二千功

能爲地方興大利除大害使百姓永受實惠

二千功

不殺降卒不戮脅從大兵到處嚴禁擄掠姦淫地方安堵

三千功

闡明正教維持正法使聖賢道旨燦然昭明於世

無量功

誅降殺順攻城屠戮縱兵擄掠姦淫

無量過

催征無法任吏書欺隱重刑敲朴使百姓不寧

千過

御虛階

增訂居官功過格

吳

天錫堂

地方利害明知應興應革不肯出身擔任反多方止遏

千過

擅自加派錢糧使小民永受賠累之苦

千過

開報生員優劣不確使勸懲無力士習日靡

百過

獲盜不卽親審定案以致黠盜漏網扳累者庾斃

百過

暴殄天物致啟奢靡不遏邪淫陰傷風化

百過

人命不卽檢驗致屍腐爛遭蒸刷之慘

百過

縱捕唆盜妄扳

百過

情罪未按杖死一人

百過

遇災不申遇賑而吝

百過

縱令約保兵役多事擾民

百過

聽信左右指撥害人

百過

下隱不申上澤不逮

百過

縱子弟僕役欺壓平民

十過

定招不開生路只求免駁

十過

受人囑托以致枉法

十過

逢迎勢要冤抑平民

十過

縱奸民詐騙不問

十過

不禁民間溺女

十過

人命不卽相驗定案致招情出入拖累多人

十過

事不卽決淹禁停滯使轉輾牽連破人身家

一事十過

服毒自縊投水人命原無威逼輒斷燒埋以長輕生之習

十過

祭祀不誠敬

十過

條奏不實

十過

水旱不虔誠祈禱

十過

力可濟人而不肯盡

五過

不禁賭博

五過

上司言語不遵奉力行

三過

御虛階

增訂居官功過格

卒

天錫堂

醉怒任意責人

二過

無罪悞責

二過

上司怒人明知其枉不救

一過

泥定成案不爲開豁

隨事算過

考校不公阻抑孤寒

一名一過

不禁牢牛

一牛一過

輕用民力

一事一過

濫准詞狀

一紙一過

水利

濬渠修堤灌漑民田

每項十功
反此論過

修築河防務期堅固

百功
反此論過

大興水利多方開墾化瘠土爲沃壤足國惠民

千功
反此論過

河道險要修防得法實心實力俾民生永慶安瀾

無量功
反此論過

年

月

照此格式刊刷十二張如有開月加增
一張釘成一本寫明年月俟曉登記

初一日功

過

十六日

功

過

初二日功

過

十七日

功

過

初三日功

過

十八日

功

過

初四日功

過

十九日

功

過

初五日功

過

二十日

功

過

初六日功

過

二十一日

功

過

初七日功

過

二十二日

功

過

初八日功

過

二十三日

功

過

初九日功

過

二十四日

功

過

御虛階

增訂居官功過格

至

天錫堂

初十日功

過

二十五日

功

過

十一日功

過

二十六日

功

過

十二日功

過

二十七日

功

過

十三日功

過

二十八日

功

過

十四日功

過

二十九日

功

過

十五日功

過

三十日

功

過

本月共功

本月共過

本月功過

折准積功

連前共積

附靈驗記

先賢范文正公韓魏公趙閭道公趙康靖公俱行此格皆爲名臣賢相表表在人耳目。

眉山蘇軾行此格歲凶賣田以賑其隣里子洵復行之不怠生軾及軾俱成進士文章名世其後科名不絕。

張魏公浚力行此格高宗召爲名將至晚年益悔前日之非後諸將皆受禍而公獨再相子枋爲大儒。

費翁家藏此格室中夜光燭天勤而行之夢此格化爲金字子宏狀元及第又夢此格化爲銀字子案探花及第。

御虛階

附靈驗記

壘

天錫堂

會稽陶望齡祖父行此格刻板印施遂中會元。

陸聚岡力行此格貢爲縣尹子完學登進士仕至兵部尚書四世俱封一品孫卿正卿任俱進士。

顏茂猷行此格刻廸吉錄勸世中甲戌進士。

劉宗周行此格刻小譜行世後爲都憲。

吳鍾巒久不第行此格遂登第作守身法以勸世。

立命之學

以下二則俱行功過格獲效者

袁了凡先生自叙訓子云。余童年喪父。老母命棄業而學醫。謂可以養生。可以濟人。且一藝以成名。爾父夙心也。後余在慈雲寺。遇一老者。修髯偉貌。飄飄若仙。余敬禮之。語余曰。子仕路中人也。明年卽進學矣。何不讀書。余告以故。曰。吾姓孔。雲南人也。得邵子皇極數正傳。數該傳汝。予引之歸。試其數。纖悉皆驗。遂起讀書之念。孔爲予起數。縣考十四名。府考七十一名。提學考第九名。明年赴考。三處名數皆合。復爲卜終身休咎。言某年當補廩。某年當貢。貢後某年當選四川一大尹。在任二年半。卽宜告歸。五十三歲八月十四日丑時。當終於正寢。惜無子。予備錄而謹記之。自此以後。凡遇考校。其名數先後。皆不出孔公所懸定者。獨算子食廩米九十石五斗。當出貢。及食米七十餘石。屠憲師卽批准補貢。予竊疑之。後果爲署印楊公所駁。直至丁卯年。始准貢。連前食米計之。實九十一石五斗也。予因此益信進退有命。澹然無求矣。貢入燕都。留京一年。歸遊南雍。未入監。先訪雲谷。會禪師於棲霞山中。對坐一室。凡三晝夜。不瞋目。雲谷問曰。凡人所以不得作聖者。只爲妄念相纏耳。汝坐三日。不見起一妄念。子曰。吾爲孔先生算定。榮辱死生。皆有定數。卽要妄想。亦無可妄想。雲谷笑曰。我待汝爲豪傑。

御虛階

立命之學

五

天錫堂

原來只是凡夫問其故曰。人生安得無數。但惟凡人有數。極善之人。數固拘他不得。極惡之人。數亦拘他不得。汝二十年來被他算定。不曾轉動一毫。豈不是凡夫子曰。然則數可逃乎。曰。命自我作。福自己求。詩書所稱的爲明訓。我教典中說求功名得功名。求富貴得富貴。求男女得男女。求長壽得長壽。夫妄語乃釋迦大戒。諸佛菩薩。豈誑語欺人。子進曰。孟子言求則得之。是求在我者也。道德仁義。可以力求。功名富貴。如何求得。雲谷曰。孟子之言不錯。汝自錯解了。六祖說一切福田。不離方寸。從心而覓。感無不通。求在我。不獨得道德仁義。亦可得功名富貴。內外雙得。是求有益於得。

御虛階

立命之學

語

天錫堂

也。若不返躬內省。而徒向外馳求。則求之有道。得之有命矣。內外雙失。故無益。因問孔公算汝終身若何。予以寔告。雲谷曰。汝自揣應得科第否。應生子否。予追省良久曰。不應也。科第中人。類有福相。子福薄。又不能積功累行。以基厚福。兼不耐煩劇。不能容人。時或以才智蓋人。直心直行。輕言妄談。凡此皆薄福之相也。豈宜科第哉。地之穢者多生物。水之清者常無魚。子好潔和氣。能育萬物。予善怒。愛爲生生之本。恐爲不育之根。子矜惜名節。常不能舍己救人。又多言耗氣。喜飲燥精。好徹夜長坐。而不知葆元毓神。皆宜無子。其餘過惡尚多。不能悉數。雲谷曰。豈惟科第哉。世間享千金。

之產者。定是千金人物。享白金之產者。定是百金人物。應餓死者。定是餓死人物。天不過因材而篤。幾曾加纖毫意思。卽如生子。有百世之德者。定有百世子孫保之。有十世之德者。定有十世子孫保之。有三世二世之德者。定有三世二世子孫保之。其斬焉無後者。德至薄也。汝今旣知非。將向來不登科第。不生子之相。盡情改刷。務要積德。務要包荒。務要和愛。務要惜精神。從前種種。譬如昨日死。從後種種。譬如今日生。此義理再生之身也。夫血肉之身。尚然有數。義理之身。豈不能格。天太甲曰。天作孽。猶可違。自作孽。不可活。孔先生筭汝不登科第。不生子者。此天作之孽也。猶可得而御虛階。

立命之學

壹

天錫堂

違汝今力行善事。多積陰德。此自己所作之福也。安得而不受享乎。易曰。君子趨吉避凶。若言天命有常。吉何可趨。凶何可避。開章第一義。便說積善之家。必有余慶。積不善之家。必有余殃。汝信得及否。予信其言。拜而受教。因將往日之罪。佛前盡情發露。爲疏一通。先求登科。誓行善事三千條。以報天地祖宗之德。雲谷出功過格示予。令所行之事。逐日登記。善則記數。惡則去除。且教持準提咒。以期必驗。予初號學海。是日改號了凡。蓋悟立命之說。而欲不落凡夫窠臼也。從此而後。終日兢兢。便覺與前不同。前日只是悠悠放任。到此自有戰兢惕勵景象。雖在暗室屋漏之中。常恐得罪。

天地鬼神遇人憎我毀我。自能恬然容受。到明年刑部考科舉。孔先生算該第二。忽考第一。其言不驗。而秋榜中式矣。然行義未純。檢身多誤。或見善而行之不勇。或救人而心常自疑。或身勉爲善。而口有過言。或醒時操持。而醉後放逸。以過折功。日常虛度。自己巳歲發願。直至己卯歲。歷十餘年。而三千善事始完。時方有事入關。庚辰南還。始及回向。遂起求子願。亦許行三千善事。辛巳。生汝天啟。予行一事。隨以筆記。汝母不能書。每行一事。輒用鵝毛管。印一紅圈於曆日之上。或施貧人。或放生。命一日有多至十餘圈者。至癸未八月。三千之數已滿。九月十三日。復起求中進士願。許行御虛階。

立命之學

王 天錫堂

善事一萬條。丙戌登第。授寶坻知縣。予治空格一冊。名曰治心篇。晨起坐堂。家人携付門役。置案上。所以善惡纖悉必記。夜則設桌於庭。效趙閱道焚香告帝。汝母見所行不多。輒頻蹙曰。我前在家相助爲善。故三千之數得完。今許一萬。衙中無事可行。何時得圓滿乎。夜間偶夢見一神人。予言善事難完之故。神曰。只減糧一節。萬行俱完矣。蓋寶坻之田。每畝二分三釐七毫。予爲區處。減至一分四釐六毫。委有此事。心頗疑惑。適幻余禪師自五臺來。予以夢告之。且問此事宜信否。師曰。此心真切。卽一行可當萬善。况闔縣減糧。萬民受福乎。吾卽捐俸銀。令其就五臺山。齋僧一萬。而回向。

之。孔公算子五十三歲有厄。丁未嘗祈壽。是歲竟無恙。今六十九矣。書云。天難諶命靡常。又云。惟命不于常。皆非誑語。吾於是而知凡稱禍福自己求之者。乃聖賢之言。若謂禍福惟天所命。則世俗之論矣。汝之命未知若何。卽命當榮顯。常作落莫想。卽時當順利。常作拂逆想。卽現頗足食。常作貧窶想。卽人相愛敬。常作恐懼想。卽家世望重。常作卑下想。卽學問頗優。常作淺陋想。遠思揚祖之德。近思益父之德。上思報國之恩。下思造家之福。外思濟人之急。內思閑己之邪。日日知非。日日改過。一日不知非。卽一日安於自是。一日無過可改。卽一日無步可進。天下聰明俊秀不少。所以德御虛階。

立命之學

三

天錫堂

不加修業。不加廣者。只爲因循二字。擔閣一生。雲谷禪師所授立命之說。乃至精至邃。至中至正之理。其熟玩而勉行之。毋自曠也。

附 佛母準提神咒

稽首皈依蘇悉帝。頭面頂禮七俱胝。我今稱讚大準提。惟願慈悲垂加護。南無薩哆喃。三藐三菩陀。俱胝喃。怛姪他。唵。折隸主隸。準提娑婆訶。

俞淨意公遇竈神記

明嘉靖時江南俞公諱都字良臣多才博學十八歲爲諸生每試必高等年及壯家貧授徒與同庠生十餘人結文昌社惜字放生戒淫殺口過行之有年前後應試七科皆不中生五子四子病歿其第三子甚聰秀左足底有雙痣夫婦寶之八歲戲於里中遂失去不知所生四女僅存其一妻以哭兒女故兩目皆盲公潦到終年貧窘益甚自反無大過慘膺天罰年四十外每歲十二月終自寫黃疏禱於竈神求其上達如是數年亦無報應至四十七歲時除夕與瞽妻一女夜坐舉室蕭然淒涼相弔忽聞叩門聲公執御虛階

俞淨意公遇竈神記

卷

天錫堂

燈視之見一角巾皂服之士鬚髮半蒼長揖就坐口稱姓張自遠路歸聞君舉家愁嘆特來相慰公心異其人執禮甚恭因言生平讀書積行至今功名不遂妻子不全衣食不繼且以歷焚竈疏爲張誦之張曰予知君家事久矣君意惡太重專務虛名滿紙怨尤責陳上帝恐受罰不止此也公大驚曰聞冥冥之中纖善必錄予誓行善事恪奉規條久矣豈盡屬虛名乎張曰卽如君規條中惜字一欸君之生徒與知交輩多用文書舊冊糊房裏物甚至以之拭桌且藉口曰汚而旋焚之君日日親見略不戒諭一語但遇途間字紙拾歸付火有何益哉社中每月放生君隨班奔逐因人成

事倘諸人不舉君亦浮沉而已其寔慈悲之念並未動於中也且君家蝦蟇之類亦登於庖彼獨非生命乎若口過一節君語言敏妙談者常傾倒於君君彼時出口心亦知其傷厚但於朋談圓熟中隨風訕笑不能禁止舌鋒所及怒觸鬼神陰惡之註不知凡幾乃猶以簡厚自居吾誰欺欺天乎邪淫雖無寔跡君見人家美子女必熟視之心卽搖搖不能遣但無邪緣相湊耳君自反身當其境能如魯男子乎遂謂終身無邪色可對天地鬼神真妄也此君之規條誓行者尙如此何況其餘君連歲所焚之疏悉陳於天上帝命日遊使者察君善惡數年無一定善可紀但於私居獨處中御虛階

俞淨意公遇竈神記

堯

二天錫堂

見君之貪念淫念妬嫉念福急念高已卑人念憶往期來念恩仇報復念憧憧於中不可窮極此種種惡意固結於胸神註已多天罰曰甚君逃禍不暇何猶祈福哉公驚愕惶悚伏地流泣曰君旣通幽事定係尊神願垂救度張曰君讀書明理亦知慕善爲樂當其聞一善言時不勝激勸見一善事時不勝鼓舞但旋過旋忘信根原自不深恒性是以不固故生平善言善行都是敷衍浮沉何嘗有一事着寔且滿腔惡惡起伏纏綿猶欲責天美報如種遍地荆棘痴痴然望收嘉禾豈不謬哉君從今後凡有貪淫客氣妄想諸雜念先具猛力一切屏除收拾乾乾淨淨一箇念頭只理會善

一邊去。若有力量能行的。不求報。不務名。不論大小難易寔寔落
落耐心去行。若力量不能行的。亦須勸懃懇懇。使此善意圓滿。第
一要忍耐心。第二要永遠心。切不可自惰。切不可自欺。久久行之。
自有不測效驗。君家事。吾甚見虔潔。特以此意報之。速速勉持。可
回天意。言畢。卽進公內室。公急起隨之。至竈下。忽不見。方悟爲司
命之神。因焚香叩謝畢。卽於次日元旦。拜禱天地。痛改前非。力行
功過諸格。自別其號曰淨意道人。誌誓除諸妄也。初行之日。雜念
紛乘。非疑則惰。忽忽時日。依舊浮沉。因於家堂所供觀音大士前。
叩首流血。敬發誓願。善念真純。善力精進。倘有絲粟自寬。永墮地
御虛階。

俞淨意公遇竈神記

三

天錫堂

獄。每日清晨虔誦大慈大悲寶號一伯遍。以祈陰相。從此一言一
動。一念一時。皆如鬼神在傍。不敢欺肆。凡一切有濟於人。有利於
物者。不論事之大小。身之忙閒。人之知不知。力之繼不繼。皆歡喜
行持。委曲成就。而後止。隨緣方便。廣積陰功。而且敦倫勤學。守
謙忍辱。與夫因果報應之言。逢人化導。惟日不足。每月晦日。卽計
一月所行所言者。就竈神處爲疏以告之。持之既熟。動則萬善相
隨。靜則一念不起。如是三年。年五十歲。乃萬曆二年甲戌會試。張
江陵爲首輔。撒棘後。訪於同鄉。爲子擇師。人交口薦公。遂聘赴京。
師。公挈眷以行。張敬公德品。爲援例入國學。丙子附京鄉試。遂登

科次年中進士。一日謁內監楊公。楊令五子出拜。皆覓諸四方以娛老者。內一子年十六。公若熟其貌。問其籍。曰江右人。少時誤入糧船。猶依稀記姓氏閭里。公甚訝之。命脫左足雙痣。宛然。公大呼曰。是我兒也。楊亦驚愕。卽送其子隨公還寓。公奔告夫人。夫人撫子大慟。血泪迸流。子亦啼捧母之面而舐其目。雙目後明。公悲喜交集。遂不願爲官。辭江陵回籍。張高其品。厚贈而還。公居鄉爲善益力。其子娶妻。連生七子。皆育。悉嗣書香焉。公手書過竈神并寔行功過格事以訓子孫。身享康壽八十八歲。人皆以爲改行從善回天之報云。

御虛階

俞淨意公過竈神記

三

三錫堂

此格乃聖凡之界。人禽之關也。如是則天堂。如是則地獄。如是則地獄而天堂。如是則天堂而地獄。孰得孰失。何去何從。識者其辨之。

泰一氏跋

跋

御

天錫堂

泰一氏跋

此格乃聖凡之界。人禽之關也。如是則天堂。如是則地獄。如是則地獄而天堂。如是則天堂而地獄。孰得孰失。何去何從。識者其辨之。

